

*Bischof Heinrich von Konstanz, Administrator des Bistums Chur, verleiht Heinrich von Unterwegen den Zehnt zu Triesen.*

*Abschr. (B), Bischöfliches A Chur, 035.03.01. – Pap. xx/xx cm. – Vermerk unterhalb des Texts: Collationata per me Christianum Dietegen<sup>1</sup>, notarium consistorij Curiensis, et concordat de verbo ad verbum cum originali littera emphiteosis.*

l<sup>1</sup> Wir<sup>a)</sup> Hainrich von gottes genaden bischoff zû Costentz<sup>2</sup> l<sup>2</sup> vnd verwâser des styfts zû Chur bekennent vnd tûnd l<sup>3</sup> kunt mengelichem mit disem brieff, dz wir Hainrichen l<sup>4</sup> von Vnderwegen<sup>3</sup> zû lehen recht vnd redlich verlihent l<sup>5</sup> wissentlich in krafft diss brieffs, was wir im von recht l<sup>6</sup> oder gewonhait daran zû lihen haben, lihen sôllen, l<sup>7</sup> kônnen oder môgen, doch vnns, vnnsren nachkommen l<sup>8</sup> vnd dem benanten vnsrem styft zû Chur vnschâdlich, l<sup>9</sup> den zehenden in Trysner<sup>4</sup> kilspell vnder dem wald, l<sup>10</sup> daruss der vierdentail des zehenden der kirchen daselbs l<sup>11</sup> zûgehört. Vnd hiervmb hât vns der obgenant Hainrich von l<sup>12</sup> Vnderwegen gesworen ainen aid liblich zû gott vnd den l<sup>13</sup> hailgen, vns, vnnsren nachkommen vnd dem benanten l<sup>14</sup> vnnsrem styfft zû Chur getrûw, dienstlich vnd gewârtig l<sup>15</sup> zû sin vnd von des obgenanten lehens wegen zû thûn l<sup>16</sup> alles das, so dann ain lehenman sinem lehenheren l<sup>17</sup> von billich vnd recht, vnd sunderlich von des lehen l<sup>18</sup> wegen an kainem end nit rechten sol denn vor vnns l<sup>19</sup> in gûten trûwen òn all gefârd. Vnd des zû vrkûnd l<sup>20</sup> so haben wir obgenanter bischof Hainrich vnser l<sup>21</sup> insigel tûn hencken an disen brieff, der geben l<sup>22</sup> ist vff sant Andres tag dz hailgen zwôlff botten l<sup>23</sup> nach Cristi gepurt viezehenhundert vnd im l<sup>24</sup> drû vnd vierzigosten<sup>b)</sup> jar.

a) *Initiale W xx cm gross.* – b) *ig korrigiert aus es.*

<sup>1</sup> *Christian Dietegen von Chur, 1461-1509, Notar und Schreiber, später Chorherr in Bischofszell (Kt. TG, CH) und Domherr in Chur, 1509 Kantor in Chur.* – <sup>2</sup> *Heinrich von Hewen (Hohenhewen, nw. Singen BW, D), \*1400-†1462, 1436-1462 Bischof von Konstanz, 1441-1456 Administrator im Bistum Chur.* – <sup>3</sup> *Heinz (Heinrich) von Unterwegen (Pagig, Gem. Arosa, Kt. GR, CH).* – <sup>4</sup> *Triesen.*